

Кузь нэм да бур шуд!

Эжва йывлөн слава

Борис Егорович Гилев

Чужис 1932 вося март 31 лунö Носим сиктын. Уджалис колхозын, сэсса матö 40 во вөр овмöсын: Усть-Куломской леспромхозлөн Носим лесопунктын шофёрн, улыс складын вөр чинталысьён. Окмысод да дасод пятилеткаясса ударник, социалистической ордйысьомын вермысь.

Гöтырыскöд быдтис да велöдис кум челядьöс.

Бур уджысь сетöма «Уджывса ветеран» медаль, уна почёт грамота.

Кувсис 2003 вося сентябр 19 лунö Носимын.



ПАРМА ГОР

Эжва йывса войтырлөн газет

Петö 1929 восянь

Четверг, 2011 вося октябр 6 лун 121 (10396)-öд №

Сы вылö
и юр,
медым
мöвпавны

(коми шусьöг)

ТÖДÖЙ, МЫЙ ВЫЛЫС

ПОМÖСДІНСАЯСЛЫ ДИПЛОМ

Сентябрын юркарын котыртлисны «Урожай 2011» ярмарка, кытчö ветлисны и районьыс «Куломдінса МТС» котыр, «Пожöг» да «Помöсдін» видз-му овмöс кооперативьяс.

«Куломдінса МТС» вузасис сöмын вый да йöлысь вöчöм сёян-юанöн. «Пожöг» да «Помöсдін» кооперативьяс содтöд вузасисны яйöн. Став прöдукция инасис бура. Помöсдінсаяслы вичмис «Йöлысь вöчöм прöдукция» пас улын диплом.

СЬÖМА ОТСÖГ

Таво социальнöя сöвман республикаса агентствö семьялы да челядьлы отсöг сөтан Куломдінса шöринлы вичмöдис 270 сюрс шайт. Сійö вичмис сьöкыд оласнога семьясыс 293 велöдчысьлы портфель да школаын велöдчыны коланаторьяс нöбöм вылö.

ДОН БОСЬТТÖГ

Ас вылö уджалысь И.В.Ракин кык лун нуис Носимса челядьöс Паспомса школаö да бөр вайис гортаныс дон босьттöг.

- Школалөн эм аслас автобус, - висьталіс Паспомса школаын велöдысь Е.С.Немцова, - но жутавлö. Ми шыöдчывлам Иван Васильевич дорö. Сійö пыр муно воча да новлöдлö посни челядьöс дон босьттöг. Велöдысьяс да челядьлөн бать-мам нимсянь висьталам сылы ыджыд аттьö.

ПЕНСИЯ ЙЫЛЫСЬ СЁРНИ

Республикаын пенсия фондлөн районса юкөнö волісны Куломдін шöр школаса гырысь классьясын велöдчысьяс.

Налы висьталісны пенсияяс йылысь да петкöдлісны кино. Вöзйисны школаын велöдчысьяслы öнисянь нин мöвпавны пенсия йылысь, кызди сійöс содтыны.

Пенсия фондлөн районса юкөнын уджалысьяс нуöдисны Куломдінса шöр школаын урокьяс. Октябрын воласны и районса мукöд школаясö.

«ПЫРАНИН ТУПКÖСА»

Ставроссияса инвалидьяслөн Коми республикаса котырлөн Куломдінса юкөн сентябр 23 лунö 11 часьянь 14 часöдз нуöдис «Пыранін тупкöса» акция.

Акциялөн мог - петкöдлыны йöзлы, кутшöм мытшöдгяс сулалöны инвалидьяс водзын, видзöдлыны, кутшöм учреждениеясö найö оз вермыны веськавны, да мый вöчны, медым налөн оласног нинöмөн эз торьяв дзоньвидза йöзлөн олöмысь.

Акция дырйи коляскаа инвалидьяс волісны 12 учреждениеö: Куломдін районын йöзлы социальной отсöг сөтан шöринö, республикаса юралысьлөн йöзöс примитан Куломдінса юкөнö, Куломдін сельполөн столöвöйö, автобусьяс вылö билет вузаланінö, «Барслөн» рынок вылö, 4-öд номера аптекаö, Куломдінса шöр бурдöдчанінö, тэрыб отсöг сөтанінö, «Снэп», «Диксис», «Надежда» да «Эдельвейс» вузасянінгясö. Учреждениелөн да вузасянінлөн пыранінö, кытчö вермö веськавны коляскаа инвалид, öшöдöма «Пырны верман», а кытчö туйыс налы тупкöса - «Татчö он веськав» гижöдгяс.

Асланым да общ. корреспондентьяс.

ВÖЛІ КОЙМÖД ФЕСТИВАЛЬ



Сентябр 30 лунö районса культура керкаын коймöдысь муниципал ветеранской хорьяслөн районса фестиваль. Сійöс вöлі сёма Коми республика котыртöмсянь 90 во тырöмлы. Ассыныс сямлун петкöдлісны Куломдінысь «Красная гвоздика», Керчомгьясь «Кыпыд лов», Кебангьельысь «Прекрасное настроение», Помöсдін бурдöдчанінысь «Зарни сылан», Носимысь «Йöлöга», Дереваннöйысь «Парма шыяс», Тимшерысь «Северяночка» да Аныбысь «Пöлöзничка».

Выд хорлы сетсис 10 минут. Налысь петкöдчöмсö донгьяліс вит морта жюри. Кöть кадыс вöлі

этша, но котырьяс кужисны петкöдлыны ассыныс сямлунсö. Олöма йöз сылісны коми да роч сыланкывьяс, петкöдлісны сценкаяс, лыддисны кывбурьяс да с.в. Залын пукалысьяслы ёна воис сьöлöм вылас налөн петкöдчöмныс. Жюри медводдза места сетіс дереваннöйсаяслы, мөд - керчомсалы да коймөд - тимшерсалы. Районса администрацияөн веськöдлысьсöс вежысь Н.А.Левченкосянь налы вичмисны медводдза, мөд да коймөд тшупöда дипломьяс да сёма премияяс. Вичмисны козиньяс и мукöд ветеранской хорьяслы. Н.А.Левченко сетіс Коми республикаса

ветераньяслөн сөветса президиумлысь «Республикаса почётной ветеран» пасьяс Н.Л.Белешангилы да Н.А.Самариналы, почёт грамотаяс - Д.П.Мингалёвалы да Н.А.Лютюевлы.

Ветеранской хорьяс котыртлісны и ассыныс выставка. Вайлісны ас киён вöчöмторьяс, быдтöмторьяс, пуом-пöжалöмьяс. Медся чöскыд сёян дасьтöма В.П.Нестеренко, медся чöскыд пöжас - А.М.Игнатова, медся мичаа кысьö Бадгьельйылысь Е.А.Уляшева.

Николай ЛЮТЮЕВ.

Авторлөн снимок вылын: медводдза местаö петысь дереваннöйсаяслөн хор.



Эжва йывса войтырлөн газет

СУДЗÖДÖЙ ДА ЛЫДДЬÖЙ «ПАРМА ГОР»

Сентябр 1-öд лунсянь пансис 2012 волөн медводдза джын кежлö газетьяс да журналгяс вылö гижöдöм. Кутам лача,

мый Эжва йывса олысьяс оз вунöдны судзöдны ассыс «Парма гор» газет. Öд сöмын сэтысь тi верманнөд тöдмавны районлысь выльторьяс, экономикаын да социальной юкөнгьясын вежсьöмгьяс.

Судзöдан дон татшöм:
тöлысь кежлö 52 шайт 79 көпейка,
куим тöлысь кежлö 158 шайт 37 көпейка,
во джын кежлö 316 шайт 74 көпейка.
Редакция.

